



---

Број/Број : 02/2-50-1-23-42/09

Сарајево/Сарајево: 23.6.2010.

## ZAPISNIK

### 42. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 23.6.2010.

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije, u svojstvu članova, prisustvovali su: Božo Ljubić, Adem Ibrahimpašić, Slobodan Šaraba i Branko Zrno, te Nenad Pandurević, sekretar Komisije. Odsustvo su opravdali Alma Čolo i Dušanka Majkić.

Sjednici su, u svojstvu predlagača i izvjestilaca, prisustvovali: Muhamed Smajić, sekretar Ministarstva odbrane BiH; Miroljub Krunić, pomoćnik ministra finansija i trezora BiH; Zoran Perković, pomoćnik ministra vanjskih poslova BiH, Senad Bužimkić, savjetnik ministra vanjskih poslova BiH, i Elma Bačvić, savjetnik u Odsjeku za EU u Ministarstvu vanjskih poslova BiH; Mubera Bičakčić, šef Odsjeka za energetiku, i Enes Šeperović, stručni savjetnik u Ministarstvu vanjske trgovine i ekonomskih odnosa BiH; Jelena Vuković, viši stručni saradnik u Ministarstvu civilnih poslova BiH; Samir Šlaku, savjetnik u Ministarstvu za ljudska prava i izbjeglice BiH; Mirko Dejanović, zamjenik direktora Izvozno-kreditne agencije BiH; Almir Imamović, rukovodilac Sektora za tarife i tržišta, i Irfan Tunjić, šef Pravnog odjela u Državnoj regulatornoj komisiji za električnu energiju; Igor Gavran, projekt-menadžer u Vanjskotrgovinskoj komori BiH; Marija Putica, predsjedavajuća Upravnog odbora Radio-televizije BiH; Edita Gorinjac, novinar lista Dnevni avaz; te Zoran Brkić, viši stručni saradnik u Sektoru za odnose s javnošću.

Sjednica Komisije počela je u 12 sati.

Sjednicu je otvorio prvi zamjenik predsjedavajuće Božo Ljubić i obavijestio prisutne da će on voditi sjednicu, s obzirom da je predsjedavajuća Alma Čolo naknadno uvrštena u Delegaciju PSBiH pri Parlamentarnoj skupštini Vijeća Evrope, koja učestvuje na Trećem dijelu redovnog zasjedanja PSVE, od 21. do 25.6.2010. Nakon toga otvorio je raspravu o

dnevnom redu. Za riječ se javio Miroljub Krunić, pomoćnik ministra finansija i trezora i zamolio članove Komisije da se u dnevni red dodaju dva sporazuma koji su u međuvremenu dostavljeni radi davanja saglasnosti PSBiH za ratificiranje. Istaknuo je da je prvi sporazum Sporazum o zajmu između Bosne i Hercegovine i Međunarodne banke za obnovu i razvoj, a odnosi se na Projekat za otpadne vode u Sarajevu. Ključni razlog zašto predlaže da se Sporazum uvrsti u dnevni red je što rok za efektivnost tog sporazuma, odnosno zajma, ističe 17.7.2010. Za drugi sporazum rekao je da je riječ o osnovnom sporazumu za projekat "Vjetroelektrana 'Mesihovina'", Sporazum o zajmu i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar. Naime, na dnevnom redu već se nalazi sporazum koji se odnosi na dopunske mjere za isti projekat, jer je, u odnosu na sporazum o osnovnom projektu, nešto ranije dostavljen. Dodao je da je logično da se prvo da saglasnost za ratificiranje sporazuma koji se odnosi na osnovni sporazum, da bi se onda mogao ratificirati i sporazum koji se odnosi na dopunske mjere.

Članovi Komisije jednoglasno su prihvatili prijedlog i, nakon što nije bilo novih prijedloga za izmjene i dopune, prvi zamjenik predsjedavajuće za sjednicu je predložio sljedeći

#### **DNEVNI RED**

1. Usvajanje Zapisnika 41. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Razmatranje davanja saglasnosti za ratificiranje Sporazuma o vojnom grantu između Vijeća ministara Bosne i Hercegovine i Vlade Republike Turske, Provedbenog protokola o finansijskoj pomoći između Ministarstva odbrane Bosne i Hercegovine i Generalštaba Republike Turske i Logističkog provedbenog protokola između Ministarstva odbrane Bosne i Hercegovine i Generalštaba Republike Turske;
3. Razmatranje davanja saglasnosti za ratificiranje Ugovora između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga Bosne i Hercegovine;
4. Razmatranje davanja saglasnosti za ratificiranje Sporazuma o finansiranju i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar (EPHZHB) za projekat „Dopunske mjere za Vjetroelektranu 'Mesihovina'“;
5. Razmatranje davanja saglasnosti za ratificiranje Sporazuma o zajmu i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar za projekat „Vjetroelektrana 'Mesihovina'“;

6. Razmatranje davanja saglasnosti za ratificiranje Sporazuma o kreditu između Bosne i Hercegovine i Evropske banke za obnovu i razvoj – Projekat plinifikacije Srednjobosanskog kantona;
7. Razmatranje davanja saglasnosti za ratificiranje Protokola o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992. godine;
8. Razmatranje davanja saglasnosti za ratificiranje Evropske povelje o regionalnim i manjinskim jezicima, Strasbourg, 5. novembra 1992.;
9. Razmatranje davanja saglasnosti za ratificiranje Sporazuma između Vijeća ministara Bosne i Hercegovine i Vlade Republike Francuske o saradnji u oblasti unutrašnje sigurnosti;
10. Razmatranje davanja saglasnosti za otkazivanje Evropske konvencije o zaštiti arheološke baštine usvojene u Londonu, 6. maja 1969. godine;
11. Razmatranje davanja saglasnosti za ratificiranje Sporazuma o zajmu između Bosne i Hercegovine i Međunarodne banke za obnovu i razvoj - Projekat za otpadne vode u Sarajevu;
12. Razmatranje Izvještaja o radu Državne regulatorne komisije za električnu energiju u 2009. godini;
13. Razmatranje Izvještaja o radu Upravnog odbora Izvozno-kreditne agencije BiH za 2009. godinu;
14. Zahtjev delegata Slobodana Šarabe za razmatranje tačke dnevnog reda na sjednici Doma naroda: Utvrđivanje smjernica za djelovanje privremenih delegacija koje, u ime BiH, učestvuju na međunarodnim skupovima (zaduženje Kolegija Doma naroda, broj: 02-50-1-117-42-8/10, od 28.5.2010.);
15. Razmatranje dopisa UOBHRT-a po zaključku Komisije za vanjsku i trgovinsku politiku, carine, saobraćaj i komunikacije Doma naroda s 41. sjednice, održane 10.5.2010.;
16. Informacije Ministarstva vanjskih poslova Bosne i Hercegovine:
  - Liberalizacija viznog režima za Bosnu i Hercegovinu,
  - Nota Ambasade Španije – predavljanje Evropske unije u BiH,
  - Provođenje Direktive EU o zaštiti mora – iskustvo SR Njemačke,
  - Vijeće Evrope – zasjedanje Parlamentarne skupštine Vijeća Evrope, od 26. do 29. 4.2010. – Izvještaj s dijela sastanka vođenog po hitnom postupku: „Hitna potreba za ustavnim reformama u BiH, 29.4.2010.,
  - Obavještenje o izboru predsjednika Parlamenta Republike Malte,
  - Evropska komisija usvojila prijedlog za bezvizni režim za građane BiH i Albanije,
  - Parlamentarna skupština Vijeća Evrope - sinopsis sa sastanka, održanog 20.5.2010. u Skoplju - dio o BiH,

- Liberalizacija viznog režima - sastanak Vijeća EU za unutrašnje poslove i pravdu, 3.6.2010., Luksemburg,
  - Vijeće Evrope – 1085. sastanak Komiteta ministara Vijeća Evrope – Venecijanska komisija – Godišnji izvještaj za 2009.,
  - Vijeće Evrope – imenovanje generalnog sekretara Parlamentarne skupštine Vijeća Evrope;
17. Razmatranje izvještaja o međunarodnim aktivnostima komisija i delegacija PSBiH:
- Izvještaj s Drugog dijela zasjedanja Parlamentarne skupštine Vijeća Evrope za 2010. godinu, Strasbourg, od 26. do 30.4.2010.,
  - Zabilješka sa sastanka Vinka Zorića s gđom Marie-Louisom Beck, predsjednicom Grupe prijateljstva Bundestaga s BiH,
  - Izvještaj sa 8. sastanka predsjednika parlamenta država članica Jadransko-jonske inicijative, 28. i 29.4.2010.;
18. Tekuća pitanja:
- Pismo Štefana Fülea i Ollija Rehna u vezi s nepostizanjem saglasnosti o Zakonu o popisu stanovništva i domaćinstava u BiH u 2011. godini,
  - Pismo Delegacije Evropske unije u Bosni i Hercegovini u vezi sa Zakonom o zaštiti okoliša.

*Predloženi dnevni red usvojen je jednoglasno.*

#### **Ad.1. Usvajanje Zapisnika 41. sjednice Komisije**

*Zapisnik 41. sjednice Komisije usvojen je jednoglasno.*

**Ad.2. Razmatranje davanja saglasnosti za ratificiranje Sporazuma o vojnom grantu između Vijeća ministara Bosne i Hercegovine i Vlade Republike Turske, Provedbenog protokola o finansijskoj pomoći između Ministarstva odbrane Bosne i Hercegovine i Generalštaba Republike Turske i Logističkog provedbenog protokola između Ministarstva odbrane Bosne i Hercegovine i Generalštaba Republike Turske**

**Ad.3. Razmatranje davanja saglasnosti za ratificiranje Ugovora između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga Bosne i Hercegovine**

*Kratko uvodno obrazloženje o ovim aktima dao je Muhamed Smajić, sekretar Ministarstva odbrane BiH, nakon čega su članovi Komisije jednoglasno odlučili da predlože Domu naroda davanje saglasnosti za ratificiranje:*

- *Sporazuma o vojnom grantu između Vijeća ministara Bosne i Hercegovine i Vlade Republike Turske, Provedbenog protokola o finansijskoj pomoći između Ministarstva odbrane Bosne i Hercegovine i Generalštaba Republike Turske i Logističkog provedbenog protokola između Ministarstva odbrane Bosne i Hercegovine i Generalštaba Republike Turske;*
- *Ugovora između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga Bosne i Hercegovine.*

**Ad.4. Razmatranje davanja saglasnosti za ratificiranje Sporazuma o finansiranju i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar (EPHZHB) za projekat „Dopunske mjere za Vjetroelektranu 'Mesihovina'“**

**Ad. 5. Razmatranje davanja saglasnosti za ratificiranje Sporazuma o zajmu i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar za projekat „Vjetroelektrana 'Mesihovina'“**

**Ad.6. Razmatranje davanja saglasnosti za ratificiranje Sporazuma o kreditu između Bosne i Hercegovine i Evropske banke za obnovu i razvoj – Projekat plinifikacije Srednjobosanskog kantona**

*Uvodno obrazloženje dao je Mirosljub Krunić, pomoćnik ministra finansija i trezora BiH. Nakon toga članovi Komisije jednoglasno su odlučili da predlože Domu naroda davanje saglasnosti za ratificiranje:*

- *Sporazuma o finansiranju i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar (EPHZHB) za projekat „Dopunske mjere za Vjetroelektranu 'Mesihovina'“;*
- *Sporazuma o zajmu i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća „Elektroprivreda Hrvatske zajednice Herceg-Bosne“ d.d. Mostar za projekat „Vjetroelektrana Mesihovina“;*
- *Sporazuma o kreditu između Bosne i Hercegovine i Evropske banke za obnovu i razvoj – Projekat plinifikacije Srednjobosanskog kantona.*

**Ad.7. Razmatranje davanja saglasnosti za ratificiranje Protokola o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992. godine;**

*Uvodno obrazloženje dao je Enes Šeperović, stručni savjetnik u Ministarstvu vanjske trgovine i ekonomskih odnosa BiH, nakon čega su članovi Komisije jednoglasno odlučili da predlože Domu naroda davanje saglasnosti za ratificiranje*

- *Protokola o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992. godine.*

**Ad.8. Razmatranje davanja saglasnosti za ratificiranje Evropske povelje o regionalnim i manjinskim jezicima, Strasbourg, 5. novembra 1992.;**

*Uvodno obrazloženje dao je Samir Šlaku, savjetnik u Ministarstvu za ljudska prava i izbjeglice BiH, nakon čega su članovi Komisije jednoglasno odlučili da predlože Domu naroda davanje saglasnosti za ratificiranje*

- *Evropske povelje o regionalnim i manjinskim jezicima, Strasbourg, 5. novembra 1992.*

**Ad.9. Razmatranje davanja saglasnosti za ratificiranje Sporazuma između Vijeća ministara Bosne i Hercegovine i Vlade Republike Francuske o saradnji u oblasti unutrašnje sigurnosti**

*Prvi zamjenik predsjedavajuće konstatirao je da sjednici ne prisustvuje predstavnik nadležnog ministarstva. Međutim, dodao je da je Predstavnički dom dao saglasnost za ratificiranje ovog međunarodnog sporazuma, nakon čega su članovi Komisije jednoglasno odlučili da predlože Domu naroda davanje saglasnosti za ratificiranje*

- *Sporazuma između Vijeća ministara Bosne i Hercegovine i Vlade Republike Francuske o saradnji u oblasti unutrašnje sigurnosti.*

**Ad.10. Razmatranje davanja saglasnosti za otkazivanje Evropske konvencije o zaštiti arheološke baštine, usvojene u Londonu, 6. maja 1969. godine;**

*Uvodno obrazloženje dala je Jelena Vuković viši stručni saradnik u Ministarstvu civilnih poslova BiH, a nakon toga su članovi Komisije jednoglasno odlučili da predlože Domu naroda davanje saglasnosti za otkazivanje*

- *Evropske konvencije o zaštiti arheološke baštine, usvojene u Londonu, 6. maja 1969. godine.*

**Ad.11. Razmatranje davanja saglasnosti za ratificiranje Sporazuma o zajmu između Bosne i Hercegovine i Međunarodne banke za obnovu i razvoj - Projekat za otpadne vode u Sarajevu**

*Uvodno obrazloženje dao je Miroljub Krunić, pomoćnik ministra finansija i trezora BiH. Nakon toga članovi Komisije jednoglasno su odlučili da predlože Domu naroda davanje saglasnosti za ratificiranje*

- *Sporazuma o zajmu između Bosne i Hercegovine i Međunarodne banke za obnovu i razvoj - Projekat za otpadne vode u Sarajevu.*

## **Ad.12. Razmatranje Izvještaja o radu Državne regulatorne komisije za električnu energiju u 2009. godini;**

Na početku Božo Ljubić podsjetio je da je Državna regulatorna komisija za električnu energiju podnijela, 6.4.2010., PSBiH Izvještaj o radu u 2009. godini, te da je Izvještaj podnesen na osnovu člana 4.10. Zakona o prijenosu, regulatoru i operateru sistema električne energije u Bosni i Hercegovini. Dodao je da je Predstavnički dom razmatrao i usvojio Izvještaj na 77. sjednici, održanoj 12.5.2010., bez zaključaka.

Za riječ se javila Mubera Bičakčić, šef Odsjeka za energetiku pri Ministarstvu vanjske trgovine i ekonomskih odnosa. U svom izlaganju istaknula je probleme u poslovanju kompanije Elektroprijenos i kazala da postoji blokada rada te kompanije koja još uvijek nije otklonjena. Dodala je da je Ministarstvo vanjske trgovine i ekonomskih odnosa BiH nadležno za provođenje Zakona o osnivanju regulatora prijenosa i operatera, ali nema informaciju o radu i stanju u Elektroprijenosu. U nastavku se pozvala na Zakon o reviziji institucija BiH i njegov član 18. po kojem Parlamentarna skupština BiH ili parlamentarna komisija mogu u bilo koje vrijeme zahtijevati da Ured za reviziju provede specijalnu reviziju.

Slobodan Šaraba rekao je da prijedlog koji je iznijela gđa Bičakčić nema ništa zajedničko s tačkom dnevnog reda, jer je na dnevnom redu Izvještaj o radu Državne regulatorne komisije za električnu energiju, a ne poslovanje Elektroprijenosa.

Adem Ibrahimpašić kazao je da je svima poznato da postoje problemi u radu Elektroprijenosa, međutim, pitanje revizije u toj kompaniji nije u nadležnosti ove komisije, nego Komisije za finansije i budžet.

Božo Ljubić također je istaknuo da smatra da nema osnova da se Komisija izjašnjava o problemima u Elektroprijenosu i dodao da je svaki delegat slobodan u svom djelovanju, te da po ovom pitanju može, ako želi, da djeluje na sjednici Doma. Osim toga, Ministarstvo vanjske trgovine i ekonomskih odnosa BiH može, posredstvom Vijeća ministara, ovo pitanje da inicira prema Parlamentarnoj skupštini BiH.

*Nakon rasprave Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je usvojila Izvještaj o radu Državne regulatorne komisije za električnu energiju u 2009. godini i odlučila da predloži Domu naroda Parlamentarne skupštine BiH njegovo usvajanje.*

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovan je Božo Ljubić, prvi zamjenik predsjedavajuće Komisije.

**Ad.13. Razmatranje Izvještaja o radu Upravnog odbora Izvozno-kreditne agencije BiH za 2009. godinu;**

Božo Ljubić informirao je prisutne da je Izvještaj o radu Upravnog odbora Izvozno-kreditne agencije BiH za 2009. godinu podnesen na osnovu člana 14. stav 3. Zakona o Izvozno-kreditnoj agenciji („Službeni glasnik BiH“, broj 62/04), te da je Parlamentarnoj skupštini BiH dostavljen 1.4.2010. Dodao je da je Predstavnički dom razmatrao i usvojio Izvještaj na 79. sjednici, održanoj 16.6.2010., bez zaključaka. Pitao je predstavnika Izvozno-kreditne agencije kako to da su među korisnicima usluga ove agencije većinom kompanije s područja Sarajeva, kako se to može vidjeti na stranicama 14, 15 i 16.

Mirko Dejanović, zamjenik direktora Izvozno-kreditne agencije, u odgovoru je istaknuo da to predstavlja samo dio klijenata odnosno dio portfolija Izvozno-kreditne agencije koji se odnosi na garancije. Dodao je da je činjenica da je veći dio preduzeća iz Sarajeva, jer su to velika preduzeća koja izvoze radove u inozemstvu, kao što su: Energoinvest, Hidrogradnja, Bosna S Oil itd. Međutim, kada je riječ o drugim proizvodima kao što su: krediti, pozajmice, osiguranja, postoji dobra raspoređenost po entitetima, ali i po granama.

*Nakon rasprave Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je usvojila Izvještaj o radu Upravnog odbora Izvozno-kreditne agencije BiH za 2009. godinu i predložila Domu naroda Parlamentarne skupštine BiH njegovo usvajanje.*

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovan je Božo Ljubić, prvi zamjenik predsjedavajuće Komisije.

**Ad.14. Zahtjev delegata Slobodana Šarabe za razmatranje tačke dnevnog reda na sjednici Doma naroda: Utvrđivanje smjernica za djelovanje privremenih delegacija koje, u ime BiH, učestvuju na međunarodnim skupovima (zaduženje Kolegija Doma naroda, broj: 02-50-1-117-42-8/10, od 28.5.2010.);**

Božo Ljubić podsjetio je prisutne da je delegat u Domu naroda PSBiH Slobodan Šaraba, 9.4.2010., uputio Domu naroda PSBiH zahtjev da se na dnevni red sjednice Doma naroda uvrsti sljedeća tačka: “Utvrđivanje smjernica za djelovanje privremenih delegacija koje, u ime BiH, učestvuju na međunarodnim skupovima”. Kolegij Doma naroda razmatrao je Zahtjev na 42. sjednici, održanoj 28.5.2010., i odlučio da ga dostavi Komisiji za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH na daljnje razmatranje i dostavljanje mišljenja Domu.



Dodao je da je inicijativu identičnog sadržaja u Predstavničkom domu podnio poslanik Momčilo Novaković. Inicijativa je razmatrana na 79. sjednici Predstavničkog doma, održanoj 16.6.2010., i nakon rasprave usvojen je jedan zaključak.

Slobodan Šaraba kazao je da je cilj ove inicijative da se u narednom periodu izbjegnu određene neželjene posljedice po međunarodni ugled BiH u slučaju se ponove situacije iz prethodnog perioda. Dodao je da smatra da delegacije koje odlaze na međunarodne skupove moraju usaglasiti svoj stav i izaći s jedinstvenim stavom na tim konferencijama ili bar na toj konferenciji pokušati da usaglase svoj stav kako se ne bi ponovila situacija iz Tirane prilikom učešća na Međunarodnoj konferenciji o pitanju jačanja sigurnosne saradnje.

*Nakon rasprave Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je podržala Inicijativu delegata Slobodana Šarabe da se u dnevni red sjednice Doma uvrsti tačka: "Utvrđivanje smjernica za djelovanje privremenih delegacija koje, u ime Bosne i Hercegovine, učestvuju na međunarodnim skupovima".*

Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je usvojila i sljedeći zaključak i predlaže Domu naroda njegovo donošenje:

*"Do reguliranja pitanja formiranja, rada i nastupa privremenih delegacija Parlamentarne skupštine BiH u poslovnica oba doma, delegacije imaju obavezu da održe sastanak kad god je potrebno usaglasiti način zajedničkog djelovanja o pitanjima koja su na dnevnom redu međunarodnog skupa."*

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovan je Božo Ljubić, prvi zamjenik predsjedavajuće Komisije.

#### **Ad.15. Razmatranje dopisa UOBHRT-a po zaključku Komisije za vanjsku i trgovinsku politiku, carine, saobraćaj i komunikacije Doma naroda s 41. sjednice, održane 10.5.2010.;**

Božo Ljubić podsjetio je prisutne da je Komisija na prethodnoj sjednici prilikom razmatranja Izvještaja o radu i poslovanju BHRT-a za 2009. godinu usvojila i sljedeći zaključak:

„Komisija za vanjsku i trgovinsku politiku, carine, saobraćaj i komunikacije Doma naroda PSBiH traži od Upravnog odbora Radio-televizije Bosne i Hercegovine da za sve probleme u radu za čije rješavanje nema zakonskih mogućnosti inicira konkretne prijedloge kako se druge institucije, a prije svih Parlamentarna skupština Bosne i Hercegovine, Vijeće ministara Bosne i Hercegovine i Regulatorna agencija za komunikacije Bosne i Hercegovine, mogu uključiti, odnosno pomoći u otklanjanju tih problema.“

Upravni odbor BHRT-a, 24.5.2010., dostavio je odgovor na navedeni zaključak.

Marija Putica, predsjedavajuća Upravnog odbora BHRT-a kazala je da ovih pet tačaka navedenih u dopisu UOBHRT-a i zahtjevi koje oni predstavljaju ne proističu iz lošeg finansijskog stanja BHRT-a, odnosno individualnih slabosti BHRT-a, nego su to zaista obaveze države prema BHRT-u.

Slobodan Šaraba istaknuo je da je zaključak koji je usvojila Komisija pokušaj da se pomogne UO. Dodao je da se iz dopisa UOBHRT-a može vidjeti da je riječ o pitanjima koja se provlače kroz sve izvještaje i informacije o radu BHRT-a koje je Komisija do sada razmatrala. Dodao je da smatra da Komisija treba podržati zahtjeve Upravnog odbora te zadužiti Vijeće ministara po ovim pitanjima i možda čak tražiti i od njih da u odgovarajućem roku riješe određena pitanja.

Božo Ljubić kazao je da su i njemu dobro poznati problemi u radu BHRT-a i da se njima bavio još dok je bio u Vijeću ministara. Podsjetio je da je tada Vijeće ministara izdvojilo dio sredstava za BHRT iz viška sredstava Regulatorne agencije za komunikacije. Dodao je da smatra da i sada država treba da se uključi u rješavanje problema u BHRT-u.

Branko Zrno iznio je mišljenje da postoji administrativno-pravna farsa u vezi s direktorom BHRT-a, što sprečava da institucija ustavno, pravno i zakonito funkcioniра. Dodao je da smatra da neko u ovoj zemlji svojim opstrukcijama, svojim tumačenjem zakona, koje su na granici naučne fantastike, a ne zakonitosti, svjesno opstruira rad ove institucije. Zbog toga bi trebalo da Komisija od neke institucije zatraži objašnjenje s inicijativom da se ovo pitanje definitivno riješi.

Većina članova Komisije bila su mišljenja da ovo ne bi trebalo da se formulira kao stav Komisije jer to nije u direktnoj vezi s tačkom dnevnog reda. Međutim, Branko Zrno kao i svaki drugi delegat može ovo pitanje u vidu inicijative, delegatskog pitanja i sl. postaviti na samoj sjednici Doma naroda.

Nakon rasprave članovi Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH su dopis Upravnog odbora BHRT-a jednoglasno primili k znanju i, također jednoglasno, usvojili sljedeći zaključak:

*„Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine traži od Vijeća ministara Bosne i Hercegovine da u okviru svojih nadležnosti preduzme sve neophodne mjere na rješavanje problema u radu Radio-televizije Bosne i Hercegovine navedenih u dopisu Upravnog odbora, te da o preduzetim mjerama pravovremeno informira Komisiju.“*

**Ad.16. Informacije Ministarstva vanjskih poslova Bosne i Hercegovine:**

- **Liberalizacija viznog režima za Bosnu i Hercegovinu,**
- **Nota Ambasade Španije – predstavljanje Evropske unije u BiH,**
- **Provođenje Direktive EU o zaštiti mora – iskustvo SR Njemačke,**
- **Vijeće Evrope – zasjedanje Parlamentarne skupštine Vijeća Evrope, od 26. do 29.4.2010. – Izvještaj s dijela sastanka vođenog po hitnom postupku: „Hitna potreba za ustavnim reformama u BiH, 29.4.2010.,**
- **Obavještenje o izboru predsjednika Parlamenta Republike Malte,**
- **Evropska komisija usvojila prijedlog za bezvizni režim za građane BiH i Albanije,**
- **Parlamentarna skupština Vijeća Evrope - sinopsis sa sastanka, održanog 20.5.2010. u Skoplju - dio o BiH,**
- **Liberalizacija viznog režima - sastanak Vijeća EU za unutrašnje poslove i pravdu, 3.6.2010., Luksemburg,**
- **Vijeće Evrope – 1085. sastanak Komiteta ministara Vijeća Evrope – Venecijanska komisija – Godišnji izvještaj za 2009.,**
- **Vijeće Evrope – imenovanje generalnog sekretara Parlamentarne skupštine Vijeća Evrope.**

*Članovi Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH primili su k znanju sve informacije.*

**Ad.17. Razmatranje izvještaja o međunarodnim aktivnostima komisija i delegacija PSBiH:**

- **Izvještaj s Drugog dijela zasjedanja Parlamentarne skupštine Vijeća Evrope za 2010. godinu, Strasbourg, od 26. do 30.4.2010.,**
- **Zabilješka sa sastanka Vinka Zorića s gđom Marie-Louisom Beck, predsjednicom Grupe prijateljstva Bundestaga s BiH,**
- **Izvještaj sa 8. sastanka predsjednika parlamenata država članica Jadransko-jonske inicijative, 28. i 29.4.2010.**

*Članovi Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno su usvojili izvještaje i Zabilješku primili k znanju.*

**Ad.18. Tekuća pitanja:**

- **Pismo Štefana Fülea i Ollija Rehna u vezi s nepostizanjem saglasnosti o Zakonu o popisu stanovništva i domaćinstava u BiH u 2011. godini,**
- **Pismo Delegacije Evropske unije u Bosni i Hercegovini u vezi sa Zakonom o zaštiti okoliša.**

*Članovi Komisije primili su k znanju navedena pisma.*

Sjednica je završena u 13,00 sati.

Sekretar Komisije  
za vanjsku i trgovinsku politiku,  
carine, saobraćaj i komunikacije  
Nenad Pandurević

Prvi zamjenik  
predsjedavajuće Komisije  
za vanjsku i trgovinsku politiku,  
carine, saobraćaj i komunikacije  
dr. Božo Ljubić